

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**OPĆINA CENTAR SARAJEVO**  
Općinski načelnik



Bosnia and Herzegovina  
Federation of Bosnia and Herzegovina  
Canton Sarajevo  
City of Sarajevo  
**CENTAR MUNICIPALITY**  
Municipal Mayor

Босна и Херцеговина  
Федерација Босне и Херцеговине  
Кантон Сарајево  
Град Сарајево  
**ОПШТИНА ЦЕНТАР САРАЈЕВО**  
Општински начелник

Broj: 10/E-11-3716/22  
Sarajevo, ~~04-10-2022~~ godine

Na osnovu člana 70. stav (1), (2), (3) i (6), člana 72. stav (3) tačka d) i stav (4) Zakona o javnim nabavkama Bosne i Hercegovine ("Službeni glasnik BiH", br. 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a na zahtjev Službe za prostorno uređenje i investicije od 23.09.2022.godine, u postupku provođenja postupka javne nabavke za izvođenje radova na utopljavanju objekta društveni dom Gorica, putem konkurentskog zahtjeva za dostavu ponuda, uz primjenu e-aukcije (Zapisnik o pregledu i ocjeni ponuda broj: 10/E-11-3716/22 od 30.09.2022.godine), Opštinski načelnik, d o n o s i:

### **O D L U K U** **O IZBORU DRUGORANGIRANOG PONUĐAČA** **ZA IZVOĐENJE RADOVA NA UTOPLJAVANJU OBJEKTA DRUŠTVENI DOM GORICA**

**I** Prihvata se ponuda drugorangiranog ponuđača „SELA“ d.o.o. Sarajevo, Ul. Rajlovačka cesta br. 31 71 000 Sarajevo, broj: 220507-BB-01 od 07.06.2022.godine, za izvođenje radova na utopljavanju objekta društveni dom Gorica, putem konkurentskog zahtjeva za dostavu ponuda, uz primjenu e-aukcije u ukupnom iznosu od **65.980,13 KM bez PDV-a, odnosno 77.196,75 KM sa PDV-om.**

**II** Ponuda ponuđača iz tačke I ove Odluke ocijenjena je prihvatljivom, jer ispunjava sve uslove postavljene tenderskom dokumentacijom.

**III** Izabrani ponuđač je dokaze iz tačke 7.1. TD (Lična sposobnost), a u skladu sa članom 45. Zakona o javnim nabavkama, dužan dostaviti najkasnije u roku od 5 (pet) dana od dana prijema ove Odluke na Protokol Ugovornog organa, obzirom da iste nije dostavio u ponudi. (Dokaze je potrebno dostaviti originale ili ovjerene kopije.)

**IV** Ova Odluka stupa na snagu danom donošenja, a Odluka o izboru najpovoljnijeg ponuđača broj: 10/E-11-3716/22 od 29.06.2022.godine, stavlja se van snage i prestaje da važi.

**V** Ova Odluka će biti objavljena na web-stranici Općine Centar, www.centar.ba, shodno članu 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

### **O b r a z l o ž e n j e**

Postupak javne nabavke za izvođenje radova na utopljavanju objekta društveni dom Gorica pokrenut je Posebnom odlukom Opštinskog načelnika o pokretanju postupka broj: 10/E-11-3716/22 od 23.05.2022.godine, putem konkurentskog zahtjeva za dostavu ponuda, uz primjenu e-aukcije. Procijenjena vrijednost javne nabavke iznosi bez PDV-a 66.000,00 KM.

Komisija I je prilikom provjere formalno-pravne ispravnosti dostavljenih ponuda za predmetnu nabavku (KULA MONT" d.o.o. Zenica, „SELA“ d.o.o. Sarajevo, Ul. Rajlovačka cesta br. 31 71 000 Sarajevo, „ALMY GRADNJA“ d.o.o. Zenica, Ul. Vrandučka bb Pečuj, 72 000 Zenica, „GENERAL CONSTRUCTIONS“ d.o.o. Sarajevo, Ul. Vilsonovo šetalište br. 6 71 000 Sarajevo), utvrdila da ponuda ponuđača „GENERAL CONSTRUCTIONS“ d.o.o. Sarajevo nije prihvatljiva iz razloga što ponuđač u ponudi nije dostavio tražene dokaze o ispunjavanju uslova iz tačke 7.4. Tehničke i profesionalne sposobnosti, pod tačka a) odnosno dokaze u smislu tačke 7.4. podtačka 7.4.2. pod a) definisane tenderskom dokumentacijom za predmetnu nabavku.

Dalje, Komisija I ustanovila je da ponuđač „ALMY GRADNJA“ d.o.o. Zenica nije u ponudi dostavio traženi obrazac za cijenu ponude (Aneks 2), koji je nakon Obavijesti o ispravci tenderske dokumentacije broj: 10-11-3716/22 od 26.05.2022.godine i Obavijesti o ispravci tenderske dokumentacije broj: 10-11-3716/22 od 31.05.2022.godine, kao ispravljen dokument putem Portala e-nabavke bio dostupan svim potencijalnim i zainteresovanim ponuđačima, uključujući i one potencijalne ponuđače koji su preuzeli tendersku dokumentaciju objavljenu na Portalu e-nabavke dana 24.05.2022.godine, Obavještenje o nabavci broj: 848-7-3-95-3-48/22. Slijedom prednje navedenog Komisija I je iz daljeg postupka ocjene i evaluacije ponuda isključila ponude ponuđača „GENERAL CONSTRUCTIONS“ d.o.o. Sarajevo i „ALMY GRADNJA“ d.o.o. Zenica, o čemu su navedeni ponuđači

obavješteni dostavom dopisa broj: 10/E-113716/22 od 10.06.2022.godine u kojima su pobliže navedeni razlozi za odbacivanje ponuda u smislu Zakona o javnim nabavkama BiH.

Na prijedlog Komisije za nabavku roba, usluga i radova I, a nakon uspješno provedene e-aukcije prispjelih prihvatljivih ponuda („KULA MONT“ d.o.o. Zenica, „SELA“ d.o.o. Sarajevo), dana 29.06.2022.godine donesena je Odluka o izboru najpovoljnijeg ponuđača „KULA MONT“ d.o.o. Zenica u ukupnom iznosu od 65.914,14 KM (bez PDV-a).

U skladu sa članom 72. stav (1) Zakona o javnim nabavkama, izabranom ponuđaču je na potpis dostavljen prijedlog ugovora u skladu sa provedenim postupkom javne nabavke, kao i e-aukcije.

Međutim, izabrani ponuđač se obratio pismenim zahtjevom o odustajanju od potpisa ugovora zbog nedostavljanja bezuslovne bankarske garancije u roku od 15 dana od dana potpisivanja ugovora.

U skladu sa članom 72. stav (3) tačka c) Zakona o javnim nabavkama, Ugovorni organ je na osnovu rang liste, pismenim putem ponudio prijedlog ugovora na potpis drugorangiranom ponuđaču („SELA“ d.o.o. Sarajevo), koji je iskazao interes za potpisivanje ugovora, odnosno dostavio je traženu pismenu saglasnost u dostavljenom roku.

Komisija I je nakon detaljne analize ponude ponuđača „SELA“ d.o.o. Sarajevo, konstatovala da je ponuda navedenog ponuđača u prethodnoj evaluaciji ponuda, u potpunosti ispravna i prihvatljiva, odnosno ponuđač je dostavio sve zahtijevane dokaze tražene tenderskom dokumentacijom.

Iz naprijed navedenog, Komisija za nabavku roba, usluga i radova I, je jednoglasno donijela odluku da se Opštinskom načelniku dostavi:

### PREPORUKA O PRIHVATANJU PONUDE

Drugorangiranog ponuđača „SELA“ d.o.o. Sarajevo za izvođenje radova na utopljavanju objekta društveni dom Gorica, u ukupnom iznosu **65.980,13 KM bez PDV-a, odnosno 77.196,75 KM sa PDV-om**, nakon provedene e-aukcije, gdje ponuđač nije umanjio cijene u ponudi.

Nadalje, Opštinski načelnik u postupku ocjene nije našao razloge, niti nepravilnosti u radu Komisije I koji bi eventualno bili osnov za neprihvatanje preporuke Komisije I, te je odlučeno kao u dispozitivu.

**Pouka o pravnom lijeku:** Protiv ove Odluke može se izjaviti žalba Uredu za razmatranje žalbi BiH, putem Ugovornog organa (Općine Centar Sarajevo, ul. Mis Irbina br. 1), najkasnije u roku od 5 (pet) dana od dana prijema ove Odluke shodno članu 101. Zakona.

Naknada za pokretanje žalbenog postupka iznosi 800,00 KM u skladu sa članom 108. stav (1) tačka b) Zakona. Žalba se podnosi u dovoljnom broju primjeraka, a koji ne može biti manji od tri.



Prilog: Zapisnik o pregledu i ocjeni ponuda  
br. 10/E-11-3716/22 od 30.09.2022.godine

**Dostaviti:**

1. „KULA MONT“ d.o.o. Zenica, Ul. Bilimišće br. 101 72 000 Zenica
2. „SELA“ d.o.o. Sarajevo, Rajlovačka cesta br. 31 71 000 Sarajevo
3. „ALMY GRADNJA“ d.o.o. Zenica, Vrandučka bb 72 000 Zenica
4. „GENERAL CONSTRUCTIONS“ d.o.o. Sarajevo, Vilsonovo šetalište br. 6 71 000 Sarajevo
5. Službi za prostorno uređenje i investicije
6. Kabinetu općinskog načelnika – Odsjeku za javne nabavke
7. Službi za finansije
8. Evidenciji